

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-3163-4/16

Datum, 16. 09. 2016. godine

Općinski načelnik na osnovu člana 89. stav (1) i člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Službeni glasnik općine Srebrenik“, broj: 10/15), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-3163-3/16 od 16.09.2016. godine, u postupku javne nabavke i ugradnje sistema video nadzora za područje grada Srebrenika, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-3163-3/16 od 16.09.2016. godine i Ugovor za javnu **nabavku i ugradnju sistema video nadzora za područje grada Srebrenika**, dodjeljuje se ponuđaču **OR "AMD-ELECTRONICS" Srebrenik**, ponuda broj: SL/2016 od 05.08.2016. godine, za ponudenu cijenu od **49.932,09 KM sa PDV-om** kao prihvatljivu.

II

Ova odluka objavit će se na web-stranici **www.srebrenik.ba** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-3163-1/16 od 29.07.2016. godine.

Javna nabavka je sprovedena Konkurentskim zahtjevom za dostavu ponuda broj: 07-3163-2/16 od 29. 07. 2016. godine

Procijenjena vrijednost javne nabavke bez PDV-a je 42.682,00 KM.

Obavještenje o nabavci broj: 761-7-1-94-3-50/16 poslato je na objavljivanje dana 01.08.2016. godine.

Komisija za javnu nabavku imenovana je Rješenjem broj: 07-3163/16 od 01.08.2016. godine.

Ponude po Konkurentskom zahtjevu za predmetnu nabavku su dostavili sljedeći ponuđači:

1. "AMD-ELECTRONICS" Srebrenik, u ukupnom iznosu od 42.677,00 KM bez PDV,
2. "SECTOR SECURITY" DOO" Banja Luka, u iznosu od 37.781,00 KM bez PDV-a,
3. "FITOB" DOO Tuzla, u ukupnom iznosu od 87.090,00 KM bez PDV-a, i
4. "MAGNET" DOO Brčko, u ukupnom iznosu od 38.412,00 KM bez PDV-a.

U prvom dijelu rada Komisije, konstatovano je da su, blagovremeno, pristigle četiri pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponuda ponuđača **OR "AMD-ELECTRONICS" Srebrenik, "SECTOR SECURITY" DOO" Banja Luka, "FITOB" DOO Tuzla, i "MAGNET" DOO Brčko**, Komisija je konstatovala da su iste potpune tj, da su dostavljeni svi dokazi, te su iste prihvatljive za dalje razmatranje.

Daljnijim pregledanjem ponude ponuđača **"SECTOR SECURITY" DOO" Banja Luka**, Komisija je konstatovala da ista ne zadovoljava zahtijevane uslove iz tehničke specifikacije iz razloga što ponuđač nije dostavio pisano pojašnjenje. U aktu broj: 07-3163/16 od 17.08.2016. godine, Komisija je tražila od ponuđača **"SECTOR SECURITY" DOO" Banja Luka** pojašnjenje, jer uvidom u tehničku specifikaciju, kao i uvidom u

specifikaciju predmetne kamere na web stranici proizvođača kamere, komisija nije mogla utvrditi da nuđena kamera zadovoljava zahtijevane uslove iz tehničke specifikacije. Ponuđač "SECTOR SECURITY" DOO Banja Luka nije dostavio predmetno pojašnjenje.

Iz gore navedenog razloga, odbacuje se ponuda ponuđača **"SECTOR SECURITY" DOO Banja Luka** kao neprihvatljiva.

Daljnjim pregledanjem finansijskog dijela ponude ponuđača **"MAGNET" DOO Brčko**, komisija, zbog toga što predstavnici navedene firme nisu bili na obilasku terena predviđenog za izgradnju video nadzora, a dostavili su ponudu u skladu sa tehničkom specifikacijom, što podrazumijeva da prihvataju sve zahtjeve ugovornog organa navedene u projektnom zadatku, i pojašnjenju tenderske dokumentacije broj: 07-3163/16 od 04.08.2016. godine, te zbog kompleksnosti predmeta nabavke, traži pojašnjenje ponude da li je ponuđač razumio tehničku specifikaciju, projektni zadatak i pojašnjenje tenderske dokumentacije i da li može u potpunosti realizovati predmetni ugovor u skladu sa zahtjevima ugovornog organa i prethodno navedenim.

Komisija je dostavila akt ponuđaču „MAGNET” DOO Brčko broj: 07-3163/16 od 06.09.2016. godine, u kojemu traži predmetno pojašnjenje, odnosno da ponuđač potvrdi ugovornom organu da je u mogućnosti u potpunosti realizovati predmetni ugovor u skladu sa zahtjevima ugovornog organa i prethodno navedenim.

Ponuđač "MAGNET" DOO Brčko nije dostavio predmetno pojašnjenje.

Iz gore navedenog razloga, odbacuje se ponuda ponuđača **"MAGNET" DOO Brčko** kao neprihvatljiva.

Pregledanjem ponude ponuđača **OR "AMD-ELECTRONICS" Srebrenik**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Kako je cijena ponude ponuđača OR "AMD-ELECTRONICS" Srebrenik za više od 20% niža od cijene drugorangirane prihvatljive ponude, komisija je aktom broj: 07-3163/16 od 13.09.2016. godine zatražila od ponuđača OR "AMD-ELECTRONICS" Srebrenik obrazloženje ponuđene cijene za predmetnu nabavku.

Ponuđač OR "AMD-ELECTRONICS" Srebrenik je dostavio obrazloženje ponuđene cijene broj: SL/2016 od 14.09.2016. godine, koje je zaprimljeno na naš protokol pod brojem 07-3163/16 od 15.09.2016. godine, a koje je komisija prihvatila.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 4x,
2. Evidenciji,
3. Arhivi.


OPĆINSKI NAČELNIK
Dr.sci. Nihad Omerović